

石
筭
山
房
集

石笥山房詩集續補遺卷下

山陰胡天游雲持著

夙答

夙答乘桴意蒼茫不可論東行歎魯叟吾道亦空存
欲問如斯者夏無相與言秋風吹著汝犧月且開樽

湖口晚泊

槭食餉神鴟林檣倚暮霞漁歌通極浦蛟室隱晴沙
不定風鐙亂依微酒旆斜三閭遺廟在蕭瑟對江花

咏荷珠

露盤承露多珠網迸新荷顆輕全怯綴串墜不關接

交知圓不定分明影倒摩暫來偷弄罷紅蜂奔晚何

聞猿

沙白灘風輕泠泠引谷激崖根將子落林杪護煙騰
淒合霜欲曙明添月有棱誰無已客懷遙聽櫂歌仍

前輩

前輩千年在風騷萬古淡典型終一墜羌鬚變餘音
作者何多歎橫流苦欲沈江山如不改天地有孤吟

宿湖南李氏精舍

不盡廬山隱端從野客期晚花畱映酒涼月赴彈棋
自檢秋苞熟兒勤小學宜皇皇經濟策翻笑欲何之

遺悶

久雨難扶路空江嬾放船藥濃深塲竹魚靜小池蓮
那得無長物唯應且晏眠匡時雖有策未必賈生賢
人日

江入春城暗山連暮雨寒宿雲披雁溼野艇受人安
酒未呼巾灑梅應問寺看登高那有作時就小闌干

魏

娥愁細戛揚霞腳畫松黃露重檀煤溼宮鉛滅夜涼
楚出持團扇相邀入洞房卿卿如裙帶夢裏一生長

卽墨東亭望海

浩浩鋪元氣荒荒絕岱山淵長吹萬國動雄配兩儀尊
日月吞終古蛟龍自一天會接窮髮際直去倚樓船
瞬轉四天下塵微百谷輸威輕七日竝力壯一風扶
包絡愁天地陰陽足怪吁誰知望紜帶卽是壁閒圖

喜雨

久旱那得雨今朝方沛然及時應有此是物望俱懸
遺潤無偏外羣蘇待槁前眞如苛汰去酌酒鬱謠邊
雷頻疑自狎魅笑爾何營不解蒼生意終資應物情
炎蒸盡一洗江漢忽同清米價何處問東來處處平

王孫

躁情終自累多智竟何曾沐楚方饒笑因秦始欲矜
悽羣夢霜旦連臂失寒藤芋栗看人戲徒悲巧捷能

七夕雨

卻憐穿綫月不映綺疏燈僊被來行雨連朝想夏能
飛泉挂鋸竹斜漢隱珠繩歸去河橋路迥波定幾層

水碓

機事會人巧勞生感物勤怒情終未遣靜理竟長分
百丈翻孤瀨千春亂夕曛悠然弭棹外閒煞住山雲

吳中七日夜

秋物易爲清涼添池上亭荷衰不受婕草歇漸歸螢

汎汎姑胥郭迢迢織女星吳兒自絃管無處不成聽

平山堂

堂外秋無數煙岡繞翠層雁鴻隨客到歌吹至今仍
眾井大明寺梧桐別院僧下來還復過相喚煮茶能

江雨

燈泊楓沙星飄風送雨橫暗喧移艇亂懸勢破江鳴
險意防多驟夷途慮母輕漸微猶溼曙喚解維行

沙墟

沙墟淡苦竹雪路密寒藤野服從誰過輕身學鳥能
多時移榻穩未放挾書仍近識莊生馬人呼亦解膺

幕府

幕府時羈束文墨雜縱橫朝興恣偃蹇東帶嬾將迎
閒庭封凍色鬪鶴墮寒聲滄洲一迢遞歲晚獨傷情

午日二首

不復記重午端憂損客心十年惟得老歸夢久成沈
事逐人情異身嫌暑病侵枝頭聽百舌辛苦未停吟
五日舊風景頻年看漸非菖蒲要客少秬粃賣人稀
嬾復題葵扇誰新翦葛衣獨歸行樂地千萬懽猶飛

臘日

定信年無燠淡憐世共貧安知今日臘思與太初鄰

鑪爐時畫飴粥香遲近人幡然不成臥太息豈謀身

雨三首

晝景無時破檐聲接夜沈人閒祇成病帝意不防淫
問穗愁生目知楓欲變林誰驅雨師妾飛於故駿駿
雷威從破柱雨勢擬兼旬應禱何曾數沈州未許頻
高城隱傳櫟懸溜耿垂鉅仙被無評泊飄飄更向人
空館水生尺矮窗雞對棲過人無瘦馬幽巷怯衝泥
南郭近相望新詩休嬾題聊憑豁羈滯坐送燭花低

寒月

淒淒寒月皎冰影割珠胎坐久近人少宵沈增角哀

帶霜晴鶴瓦如雪凍鷗媒何處更清絕天台過瀑雷

新安出關

山送雙崤盡城迴澗水西舊關移漢出去馬背秦低
俊擊負霜鶴衰顏媿角犀沈寥天地意行色獨相攜

洛陽二首

舊卜此渟潛坤靈久自仍積虛如有待運構復誰膺
在德原無險居中理易憑何時瑞先見溫洛遠能徵
都會番夏閼池隍亦幾移戶多畱象蔚縣壯到今爲
河岳歸清觀乾坤奉爽夷業成懷建武不與奉春期

雪

四月井門雪山寒夜入城衣裘莫自減沙月慣爭明
殺氣與天奪春風無地行一思迴斡力絕塞早陽生
井陘入土門至壽陽路

路有當熊險人多蟄獸居渴泉爭遠汲病土礙春奮
野店唯炊黍郵童解博驢心憐太勤苦風俗轉疑初
堡色寒仍起林姿冷未添土牀燒石火瓦缶灑沙鹽
入市生蔬斷爲宮雜牧兼何由足生理時見長官廉
將還燕山值趙西陘漲雨盛作

奔渾怒相挾崩衝驟復斜連朝聞沒馬轍谷走長蛇
嶺樹雲共失邊人海易誇桑乾早晚渡尚怕擁湍沙

代州

投邊山意劇過郡水流渾好武空遺俗防邊不作門
雁田秋少熟閑月影常昏漢將功名薄蕭條無處諭
傷白谷

司馬

天池二首

五月天池水乘空暖上魚長分雙鏡落陰入萬山虛
野俗呼鷹慣邊人習網疏戎戎鱗鬚黑雷電正或能儲
靈濬雙源合潛通萬仞虛東西嶺向背今古象涵虛
竅發山川理鍾歸潤澤餘何須得芸鳥欲發道元書

蔚州值雪

獨曉向廣莫氣從平地生
縱爲驚處雪復作驟過晴
白繞河斜過青迴天遠明若論如斗在未當鐵爲城
石花魚

花魚石穴潛河網出冬嚴駭眼朱銷暈披鱗寂護纖
餽人冰其致嘗酒臘初甜驛騎何多費稱珍暫一沾
秋事

秋事牽幽客淡惟嬾病俱移牀連蟋蟀分帙曬蜘蛛
物理爲圜得生涯背俗無不知誰送米今欲許胡奴

萬光泰孝廉

炙冷枯殘地知君不自酸生催傷命切歎悔賣文難

閨夢忽驚吐塵鐙虛轉看尚書今日看休取急絃彈

嚴逸人青谿宅

不作孤浮海居然密入林養生唯水石明志語雲岑
一飽慙非力行歌見汝心鹿門遲未去踪跡媿飄沈

八月十五日值月食將既逾時乃復

是月最圓夜忽然秋魄驚蟾蜍如欲去桂樹砍疑平
何處有此物堪憑滌太清忮刀須斬卻攜出影分明
中庭玉川子月蝕夏無詩魑魅爭堪厭山河口不辭
重輪仰■復萬里共相期侵蔽終何恨口炎總未夷

夜坐簡任編修

月牖虛生白風簾別與清蟬禽幽竹影寄石遠泉聲
幔拂煎香駐廊迴著字明夜良人意會遙其范安成

長晝

長晝靜不出閑門草木滋獨將閒外意攬入靜中詩
白鳥過人潔青蠅從汝癡東榮有棐几坐隱得吾師

荒亭

荒亭天外著萬感客邊陳草木長爲世龍蛇遞作鄰
片雲來去事一醉聖賢人莽莽終何往生憐性未馴

晚熱

晚熱驕轉甚人闊增殆煩乾生林月赤沸入野風昏

旱總迷三伏口難問九閨中宵愁玉女欲竭洗頭盆

渡沂水道往濰縣

沂水淺可涉風煙原上多樹蘿
薰暖重含耐垂靄長礮羅行行見田者合是緩催科
渴掬隴畔井暖被鞍上衫憇陰逢臥樹行麥喜銜繆
餅餌香餘飽雞豚語不儻對君慚愧甚無分把犁鑽
濰水出箕屋北來相送人問年仍得旱行地不成津
堰廢歸田少沙乾集市新行應北海近欲卜孔融鄰

寄適楚蜀兩生

前身應到蜀今日未窺湘潦倒行如此西南興轉長

鬢絲訓束縛雲鳥憎飛揚二子偏瀟灑江山勝獨將
苦旱

祇詣龜氣惡澑濡未許望雨遭虹刷掠風窘燕翔揚
地火急燒麥原田久蔽蝗若爲騎馬去淮海路偏長

黃河二首

一與清淮奪淡知水德非因仍累無第疏鑿豈知微
長世誰能慮橫流任不歸大聲驅滴若破岸萬霆飛
見愁南翼急終憶北流長力不歸旋轉心空對混茫
迴皇怪天地傾覆眇舟航使者何多謬尋源亦久荒

潞安城外夕二首

誰料此邊吟宵寄客偏火寒炎帝夏星大齒觴天
古意投懷入清愁上肘懸州人應不記別駕有唐年
潞子無歸國漳流舊入河去躋驄馬瘦盡換酒瓶多
天下奇方偃鳥邊山獨過忽憐馮衍在賦筆尙嗟峨

雨

故恐衣裳溼偏逢道路翻水天遙著地山雨忽無聊
蓋笑占何晚巾從望不論添愁孤館客畱滯惱吟魂

冬暖

何事偏宜老冬晴爲客酣撥爐雙筋郢負手一裘堪
倒樹平池入低窗片岫參嚴窓燕塞異風景近西南

欲借晴霄出休停野屐踪棧通柑許喫寺詠竹能逢
王粲棋負覆劉伶鉢任從倍憐暄意好多向臘邊濃

雨

不作今朝雪翻吹凍雨飛一簾微欲映亂瓦過仍稀
野氣陰常定山寒翠不歸已童知病客相喚晚添衣

砥柱

砥柱徒間鑿人謀誤欲爭舟航理危得奔峭禍逾成
容易華淹過何時控引輕問銘思舊勒襄衰晚縱橫

歲暮

短歲驚又暮壯心看漸微熊羆正懷蟄星宿亦知歸

長與關河託淡慙稼圃違行年坐點檢無處不成非

相子

香柑金落翦多自漢中來苞葉清先襲盤供臘乍迴
何曾鄉味減邢卜果園栽莫憎無錢買呼童日數枝
洞庭霜熟夜朱橘豈容儕潤帶生津入香隨破爪來
山川侵老定天地幾時迴把手翻愁喫騎心黯自催

直躬

諧譁如狂箇嫌憎得笑歌直躬人事遠細議物情多
桺下閑門久鍛過愁客過無心羨爲舌柔處日相磨

送崔博士

趣得兩生同高譚見所宗凡今不說學方笑善爲容
去意陋三釜歸身付七松不參人事外春睡正堪濃

外館見杏花

杏花空館發看似故園梅小樹榮還密微風燕不來
無人宜獨笑攜影憎空迴未減春寒在誰憐月滿臺

蒲州二首

春田犁滿郭舊堞壞當河衰衰青山入翻翻往事過
卒荒仍歲月信美異斐娑欲問咸甯宅圖經亦久訛
里舊雄冠蓋都名富市闌盈虛亦多歷象閱總無還
牧守應殊計潢池豈復閑百年仍蠶瓦巷陌有無閒

蒲州觀刺史迎春

春待刺史公飄然向郭東紅妝千騎後舊俗百年中
儉無繁樂人稀禊曉風已更逐時節相喚祝牛宮
芍藥

傳葩新入座芍藥大于盤旋得微蜂過猶知四月殘
容華各時節身世正瀆漫片片含春粉肺憑倚醉看
望中條

明姿心共招數笏是中條馬首朝朝見煙邊冉冉遙
堞陰銜與重樓翠倚難消待得春深去尋香摘澗苗

河潼閒三首

星辰同奔走川岳見招要不住空年歲淹留傷沉寥

霸闢摧四扇風濕裂中條僵掌如堪摘明明日朝

合作今朝到東風起睡醒文章富關陝秦漢爽精靈

岳廟寄客夢天邊竿井星未成窮阮籍偏覺龍能青

心事兩黃鵠滄波汎汎同我行漢時縣忽到船司空

渭水逐河水海中行地中乘槎會人意早晚向關東

登岳祠萬壽閣

遠近秋如約高淡象總敷虹蜺赤漢錦繡眇黃圖
消息詩偏入盤桓態不拘登眞按隱詣餐玉采珥瓊

鄉客

劍術久且隱自言曾得之初凭心任俠近慕道無爲
幻險脫濯去靈和相與追語罷忽成別悵然非所知

風夕

黃昏風量月星共不分明捲旆速千里戰鐙颺一城
驚扉破危剗凍樹拗乾聲向曉不聞處河冰車馬橫

山郵

爲郵如呂聚鵠得千家小堞山樓起連瓶石井斜
午陰將入雨夏始別成花闌路遙穿拂環環碧玉遮

涉縣

山多藏縣僻水遠夏潭渾雞黍無歸市耕畚出廢原

向人殘堠路傍郭數家郭亦未防豺虎蕭條早閉門
宿符山主人家

森森櫛柵靜招我赴斜陽流水無冬意寒花通夕香
主人符山老白髮同藜牀寂歷不可寐起傳解臚方

道有

道有師齊馬人今卯越雞論難卑俗破事笑古人迷
何客怒生瘦輸醪濁到膳坐成空咄咄過盡暮暉曉

河中午日

午日三年客驚寒倦罷身事空翻覆料候識往來屯
裴葛分櫓後蘆葵祇換入憐渠誇節俗偏逐綵絲新

晴

萬木爽朝容高分碧宇重秋歸行夏日翠接渡河峯
簾細明穿竹鞭輕穩稱櫟及時秧稻晚欲許問山農
行色

行色冷相催天秋萬里開野呼膺蒼莽山立馬崔嵬
底事安邊策驚心落帽梧關樓晴一點畫裏忽飛來

龍門三首

門闢梁山遠河來澗口循龍蛇分廟古河東西二山並有禹廟
榆莢落天春溟渤爭歸意乾坤傍老身迴櫓與吾儕
直欲上星辰

地脈雖終墮天功亦僨勤賈船來絕塞峽石閃行雲
衝浪捲壠口翔魚折浦文若論清報瑞畱與鮑參軍
天上崑崙水人間太史公乾坤流不盡導鑿到今同
世事將安沉論文興未窮山川有如此象外見豪雄

吳越武肅王廟下作

餘劫全消一扇塵精靈猶足動星辰似饒遺澤干戈
裏不盡當年草木春豈有羣雄爭伯略祗應昭諫是
功臣丹青更衛新冠劍尙許來游識異人

題畫

一邱誰畫意蕭森似是荆蠻老逸民以外更無堪共

詔此中何可著他人平林近看秋都好遠勢兼傳句
有神若許數椽鄰水石便將雲臥過閒身

重簡大登

香飯何人致午供一瓢顏巷共寒蹤暫燒南岳鑪中
芋愁斷揚州寺裏鐘乞米平原空有帖閉關開士嶺
支筇饑腸更覓何方療試踏湖南萬朵峯

大護山泉

叩門無處更求漿路入轡谿覺水香誰搗者閻八功
德來施中頂一清涼穿林唄樂春風亂剗木齋廁夜
雨長一掬已吞千頃味西江知向此中藏

答因叢丈

舊手忽傳江外字天涯相問轉驚心浮舟身世蹉跎
海虛牛年華謬抵金豈有生平論管葛但期支許對
山林著書儻問千秋事空使諸兒笑不禁

析楊人笑古來傳未怪已渝和屬于風處祗拌斤欲
輒醉中渾道日無全璧輕羞誤千金抵櫟轂希違寸
墨牽雲海相望不知遠共過冰雪歲寒天

春夕汎舟往蘋浦

夕陽亭外潛煙樹蠅火笙歌送客舟倦月不勞批敕
手枕流仍掉苦吟頭墨啞試向幽人覓鐵笛能呼賀

老遊一棹剡溪清興在蒼蒼山樹宿雲留

浪細花吹撥漩過浦魚沙鷺共娑娑蕩虛搖翠玲瓏
入破峽緣崖宛轉多星斗不干狂客夢湖山應和榜
人歌何時更得閒身去長與元真挂綠蓑

憲府方公頃總秦藩手書見聘值予有南陔之
侍未能赴也尺牘藏弄而公旋歸九原春日
發笥憮然追督感知輒有此作

未容神彩照璠璿終爲宵良卻望舒朱鼠正間兼璞
賛楚龍何恨寫鉤餘朱絃拌絕猶回首岐路無情欲
下車不信當時成賞在南朝猶有范尚書

治術能憑感激論軍書走馬破黃昏
殊倫敢玷司空表異賞曾驚趙鞅魂
幾歲辟邪秋換角無時滄海夜飛鯢
參差錦雁春花底觸忤幽情託蕙蓀

乙卯正月二日立春對雪

一冬三白埽遺痕畱待乾源洗旱塵
大望連雲空凍腹斷冰流水暗生鱗
日融已報檐禽樂風輕全催餅穗
新社鼓幾家喧復起餘聲還作上元春

歸雁

夢盡邊南菰米曛一聲哀斷八行分
榆關夜杼封司馬桂水春難駐領軍
豈有高天埋白雪未期歸路穩

黃雲不勞海雁斜風後何處沙叢憶舊羣

賦琵琶感舊

彈破征鴻隴水流故人無復擅江州更憐才子銷魂
曲能使青衫萬古愁玉軸傳來一雙手紫輪拋去幾
迴頭隔屏雲髻空消息莫寄春風謝尚樓

春愁

天遣句詙不惜春盡翻風雨作泥塵有情未免口今
日去我終須恨古人鏡裏頻看千丈髮劔邊仍作九
州身柔田未換蓬萊遠多恐閒愁歲歲新

咏庭中丁香花子

花時容易負年光
花下真宜引興長
醉後祇教重與惜
簪來猶恐未能狂
三分畫燭春人聚
滿地輕陰醉袖香
試寫新辭付誰唱
雪衣僊子紫雲娘

重咏丁香花子

夢回猶記掣珠鈴
細把僊人玉骨清
澹冶故饒幽格在
精神全借薄陰成
珊瑚點雪留春晚
幕屨飛煙到地輕
若向花中論才子
風流何止似雙丁

醉織渾成色界天
粉絲紺量繞前庭
幾層爛網窗光暗
盡日嬌垂袖影偏
髻側香濃梳未了
目過瑠小墜何緣
館陶姊妹貪顏色
不羨人間化鶴行

和鄒學士

烏府先生不作春黃綢被底趁奇溫埋憂著地何方
卜與福爲兄別有門處士半生惟馬麼六夫終食感
魚飧故應不願侏儒飽俯仰當筵學叔孫

富不如貧向子平千年想見古人情誰能不恥衣狐
貉獨解欣然羹豫菁金穴原非邛壘具藜腸堪吐雪
霜清從渠水碓田園者閭道肥來不任耕

長安雜題

璫浮銀箭徹金關北斗中宮萬象環內鼎歌鐘喧陸
海原闋七字

門通神武紅雲遙樓醉芙蓉

原

九字

樂相呼日暮不知還

原闢七字

萬歲千秋奉混元窮山功德不

盡

原闢八字

聖謨神策當時見國老高冠

典

原闢九字

眼東風過酒痕

姑蘇

閭閻撲地盛繁華不數荆門百萬家公子鞍韁誇白
玉佳人衫袂翦明霞諸侯府吏嚴朝鼓驃騎軍營微
暮笳燈火歸來冶游伴戛扶牋醉理琵琶

放船

出浦二檣遠海曙鳴鐘兩岸靜吳雲放船穩臥蛟龍

背得意橫穿象馬羣興洗清秋千萬里事過飛鳥地
三分君看浩浩江流轉身與孫郎卽共間

遠游

一微塵裏住皇州何處相尋汙漫遊日月手翻萍雨
點鯨鼈餓砍鱠千頭指揮舞鳳歌鸞地約束頰雲怨
雨愁下界銷沈竟何所多時吹盡五陵秋

百年

百年擾擾知何爲舉世紛紛夏不堯釜滿卽防人概
後金昏猶到注牋時驕來道在終難悟羊牧情非恨
不辭堪與蜉蝣隨旦晚漫將鳥鳥問雄雌

送任司倉

陽羨谿山橘柚韴
錢塘鑑火望江門
還家正索梅花笑
入署欣逢竹筍翻
遠海駢螺黏島色
夜潮迎雨落沙痕
憑君飽喫江珧柱
倚樹吟詩到日昏

朱助教章薄二水部會飲二首

江風鼉鼓夜迎潮
塞月龍沙早射雕
伏櫪心情墮老
大秋裏詩句對飄蕭
青山有約真難到
白酒能開不待招
歲晚看君霜竹意
漫將彈事到甘蕉

竇將有臺拜

登盤秋實亂丹黃
照眼浮蛆灑碧香
入座好知元度在
通襄不作次公狂
涼分短榻秋如水
晴放疏林月

有光見說瀉亭無醉尉不愁歸路馬蹶妨

九日

鐘鼓嚴城欲得霜迥迥樓閣寫秋光
鱸香併斷寒洲白菊意催逢野寺黃
何恨十年同逐客難供雙鬢換重陽
高臺戲馬英雄事坐憶題詩興轉狂

直道

直道由來未可通後賢休咎古賢風唯宜飲酒但指
口始信如鉤應作公一世味殊薑桂老千年芳變艾
蕭空門邊骯髒終安適出語當時已坐窮

休將直道感斯民習俗無緣復返真叔子何如銅雀

妓吳兒堪是木腸人磨盤八角生原具岐路三叉誤
獨循見說仲翔孤憤在青蠅曾許弔充賓

柳絮四首

杜陵詩裏憶鋪氈謝傅庭中擬撇鹽流雪有情渾似
糝因風何許不成絲十分晴色濃酣酒萬樹春心暖
化煙屬玉觀邊侵曉過無邊繁拂錦連錢

漾漾依空點客衫霏霏成陣撲珠簾太嫌飄蕩難拘
束才著飛揚便綴黏院宇吹綸朝靄重池塘流水夜
萍添誰家夏引江南思願倩歸來燕燕銜
駘蕩隨春欲住難迷茫和夢兩無端烘騰曉日輕雷

影絆綰游絲別作團傷陌沾泥慵不起夾城堆陽嬈
飛牋纖纖一片何人憎臘取長條惹畫欄

欲下垂垂卻倒拈別魂離思本相貪總無評泊心先
亂已嫁陰沈態尙慙捲地不知拋擲後漫天猶覺往
來堪十尋更恐蟲書徧司馬秋來在漢南

醉中

醉中無復乾坤在老去猶能富賈輕一事久唯論出
處古人淡足寄生平已知名字爲吾累莫遺文章與
世驚多謝縱橫隱矰繳誤猜鸞鳳遠心情

晴發武安縣

淋浪鼙斷埽晴風曉踏新汎大騎同山看米聚幾堆
碎雲學綸吹一面空渴知得飲麥翻海閒自趁人衣
弄蜂手拂岐亭記鴻跡鄴州西指潞州東

蒲州閹城高閣新城周使君共登

六月已過七月中三伏未盡轉炎風清歸繡禊行雲
外高揭銀河碧其通避俗漫呼袁紹飲登儂猶及李
膺同晚來不住秋相送手撲驪珠出海東

賦得錦江春色

錦城如錦覆春雲錦水平流織綺紋明月千峯下神
女芙蓉雙臉妬文君荔枝樓上彈箏曲鸚鵡筵前舞

柘裙別是風流妮人處小桃花繞薛濤墳

九日有懷

天催重九日客到歲寒心野菊看無賴
殘山坐獨侵森疏豁原野晶爽極高深
石徑那緣酒風檻不受琴定宜兼寂寥
所得是崎嶇處士惟周黨知名類杜欽
猶撥洞庭字老作冀州箴往往皆流寓
棲棲竟陸沈半愁凡幾紙幽夢擬層衣
谷口荒畬畱霜天共葛襟蹉跎翻屬望
辛苦費知音孤憤敲紗帽羈雌拂劍鐔
何當萬里浪一爲破蹉跎

海魚

海魚千里至細著島鹽攬鬚巨喙欺脂餐奇鱠抵饑
饒堆盤不罄貪飫筋爭銜升俎今誰憎憑淵始自涌
潮移崩浩蕩勢落逝巖盡腹吞舟大駢牛掣餌纖
鐘沈迷闔闕龍鬪走儻僂陸从峻嶮岳鱗傷片片瑣
鯁鮆終一歎蠻蟻苦相喰海碧醉身近星妖夜怒緘
需沙容可脫競肉祇從剗淖齒腸看擢於期首遂函
邢無雷電急易覺鬼神讒膏盛連郴火皮腥一國衫
齧齧憐意氣尺咫病恆凡利器終無失誰其得所監

廖將軍詩

耿精忠盜閩將軍歿焉後有廟其地庚戌歲

其孫官司馬者來乞詩

契窟苞三蘖貴尤虧五兵怪星浮格擇妖鳥接維平
那負樓船畧初將武騎行勛微蓋竹罿封重繩勞名
尙主恩頻渥頒宗誓未傾禮優驕轉劖愆積釁從萌
白馬猶慙俠長虬敢恣猙相將俱窟穴不辨鬪鼯鼴
豕駭乘人立鴟狂弄晝鳴封羣雖盡噬觸豺本懷貞
果毅幽井氣驍騰隴塞情久防吳湧老卽北呂嘉爭
沸地俄摧軸霾雷頓折闕洩皆兇豎切鋌逆俎膏攬
帝夢方畱泚神唇已廢荆次房生去國君叔次辭營
部曲譚餘略川原識故情風雷忽搏擊鐫輝杳激清

寶應浮簰下無搖槩檻迎她身終裂胜魚口竟銷聲
秉節求車濟揚忠及李彭畫圖淡刻廟樓閣迥飛甍
柏路熊窺寢桐門雉倚衡弓刀動袁鄂青旛儼瓊英
島浪紆奔伏山邱莽互橫堅冰九人在光澤兩朝榮
湖水春排郭祠花曉度折鳥臺敝寂寞霞嶠鬱嶠嶸
佳傳中丞枉哀詞給事賡荔秋陰嘯壁苔古躍蟠楹
他日題黃絹千年照碧瓊

建業

建業非無策前幾尙涉訛胡爲鄧林杖欲試魯陽戈
鼎意僬僥舉舟將弱水過轉嗤謀大易未解作狂多

霆電疑憑指風颶屢借呵石鞭思涅血山鐸擬填波
闇左初符牒軍行儼鶴鵝輕于鑿丹浦莫駭動黃河
有力岷登虎明嵩室聚蛾不成蟻漏隙祇蓋鮒憐澗
尚挾吳刀憤猶憎宋漆歌柔田竟清淺麥雨逝蹠跎
鐵已連州鑄蛇堪繞蜀拖翻飛極星象方朔問如何

填海

墳海應無力移山要有心愚公真號谷精衛此何禽
人物宜存古邱陵不到今無慚起淮堰總挺喝華林
蜃市愁虛白灘染歎陸沈餘塢膏轉轂下竹嶺辭陰
逢午鞭秦赭終朝命楚黔蠻空三表設平地萬艘侵

瓠子徒憲妾蘆灰枉滯淫猶思不龜手終握指南鍼
幾捕淮王影行畱太史祲祇當魑魅笑實悲憊蛇吟
信有尾成轂重鑿涕作霖齊瓜詎能熟馬喙本宜憎

王怪煩空壓天吳怒未禁蟲沙堪覆野魂魄竟輸箴
且倚東門嘯曾羞漆室紙火憐蕭相迫奏卻葛翼任
謬喜蠅千里俄生桺十尋若爲鯨浪黑布盡水衡金

漢殿

漢殿初名燕隋宮本姓朱曾繅園客蘊偷斛海人珠
鬢雪侵紗瑩鬟波埽鏡殊移春九龍帳闌夢八椒塗
舞破鸞迴錦歌沈月墜榆殿深春戲祕苑小夜情孤

涎尾憐公子朝雲憶大夫若爲千尺綱網盡女珊瑚
爲人有作紹刻作原本

岸寶屋通暈山輝玉截肪力餘鯨跋浪心偕鶴搏霜
鞭拂龍城柳衫披鳳沼楊星隨羽林騎臺號揜于郎
密愛三生記仍局七拂香琉璃迴定水華蓋啖文鉢
鵠跡花翻綬虹畱筆倚牀從軍新樂府行客古河梁
雁斷錗胡鹿驄驕鐵彌襠海冰春暮黑沙雨夜埋黃
擲手三枝戟橫身半段槍壘孤清肅急扇轉合圍狂
熱坂連秋毒蘆山埽地荒來隨假司馬去逐建元郎
火嶠蒸嘘吸河源送發皇歲依身毒換人到酒泉忘

鳥卵條支大璫庭服匿方事途收廣博世界引迷藏
萬古頭俱白平陵俠有光卻歸蓬谷吉扶病許陳湯
飲食軍同過山川畫較量遲聞典屬國新報獵漁陽
劍傍親身老弓畱射石彊琵琶絃七十蓮葉字千行
醉憶天西路空歌塞北霜

長安市中有結木棉爲小盒子者狀甚巧似戲
以二十韻賦之

黠巧憑偷弄搏綿出小龐規形同畫虎買骨與狹號
銳猛偏饒態旋拳儼頓蹕霜毛侵喙短雪勝隱花雙
刷走蹲初斂高眸猶乍降闌如蕤識竇牽去可無憤

擣飯難成引爲闌已太憇有投虛解嚙不吠詎論噭
眞見炤頻續何曾免解慢桀堯誰適主廬猶竟名邦
鬼物輸俱肖麒麟共一腔生麓眠貼妥當戶影豚肛
豈許秦車載休煩趙客搊兒嬉矜底貢列市鬪緣撞
拋後芻均棄看時衛且龐卻從驕錦褥更與照明釭
遲日當孤館春風劇敝襟送愁憐博塞爭勝渡瞿缸
狡猾誰能那雕鐫信獨扛篇終聽畫鼓城上正逢逢

北雪

北雪生俄頃重雲匿候占夜城猶挂斗曙瓦忽妝檐
弄態駸駸度無聲細細潛紛敷有底急翩旋轉餘恬

笛暗春先柳霜非喻誤蒹披猖娥媛盛擲委珮環僉
林繆初逃羽池吞已避喰值虛辭駐泊當溼潰壁礪
漸積凝膚合時平遠勢兼軍行麾雜沓牧轡絕拘箝
火冷遲銷座風狂迸徹簾隨形真得巧盡變始成嚴
送語將催鶴明樓不倚蟾僵虹橋蜿蟄擢劒樹稜廉
窗瑣偷宵綴苔圓狡聚黏丸酥搓費手鏡好貯何匱
衢朵晴嚙照庭綿婀嫋拈石爭嗤臃腫山徧著髡鉗
發越華姿極橫陳物態壓席周郊廣莫罄蕩險嵯峨
燒劫疑無地押天欲到鈴蘆灰原臘縮晶域忽同吹
國士空仍現江河陸失濺凭將閭閻迥眺入混茫淹

盡馬迷方出愁龍帶燭燈
蜺^音龍崩浪甲鸞鳳鏹
浩浩看難埽漫漫勢倍添長空終一攬大野曠于鐵
眩覺鑑須刮寒教栗似疚拂姿仍奔奔逞喜太沾沾
竟夕相掠甚盈朝祇未厭貲欺圭室擁樂想穆遊湛
面獵弓攢銅顛攢鵠落綬靄繪千席裂僊垂九層阽
賭翦同心尊齊夢比翼鶡試思裁魯縞未獲寫吳縑
羽節遂堪把珠幢亂不嫌絣移傾市價機斷鬪鋒銛
榭瑩玕留飾臺高壁屢瞻他衣驚暗換戶網任重雷
窟肉恩仇泥畦鮭戲劇醜醜瓶褐媼叟桔闇閭
測徑偷量尺蘿峯詎數尖雷懸工肩粟鼯控劇蜚穢

嬉引兒燈點饑封雀因餌紺鮮情可贈席捲力俱謙
陣足喧鵝鴨家應歎釜鑿衝音黯紛鼓舍影情頹
見厚皮封木防危屋塌苦多知連朔漠遠恐過巫黔
會有蠶蠕凍猶猜井奪炎沙吹五原塞軸折九衢
幘匠聖乾坤急韁轡宇宙詹世荒榆歷歷歌換旆襜襜
牛目噬方爾鳬毛浪自譖卽非關足獨乍欲助心憮
未信蠟埋族何由甲破殼不收同拾瀋化後想流漸
戰剝寢陰切遍持木運餕誰其騎北陸坐待挽西蟾
端怪寧能縮人呵指墮疹裾藏寢抵蟲穴屈蠢如
廄絮雖凌鐵塵埃卻驟砭入懷原比潔餐煩豈論甜

着舞窮狼籍富歌豁滯愁燒春迎石炭蕩勇屬金鹽
攏濯娥媚麗及鋤里俗嬾飛鳶何用木縱猶欲窮獫
莫作呼籠鳥徒羞上竹鮀從君事鏤鏤相偕飽烹燭

符調

符調紛紜切瘢瑕蕩滌繫良刀惜輕廢敝廢許重論
豈謂烽如戲何曾石不言羸瓶徒用汲棄蓋已終燔
關外山川遠天邊歲月翻吞聲或畱落逆旅竟冤魂
龜膚看初擇鴻毛去不梓然灰獨何地結襪爲成恩

馬四兄揚州書至竝惠五言秋日京門賦懷卻

寄四十韻

名士今誰在同心得汝馨別從雲片片思極畫亭亭
波浪天原闊鶯花夢共經白頭風雨積紅燭管絃停
去住俱勞役山川指佩銘端然畱客閣不隔曝衣庭
卻置論文數孤危倦眼青謁多身獨嬾書到酒能醒
著意憐芳臭分流別淵涇憂憎應世俗翻覆感沈溟
舊短傷淪歇高才感普零總看湘鬱列盡變困羶腥
雞曙蒼蠅惑鯨鐘吠蛤聽安知陋椎鑿爭駕雜牲牴
委濁曾無底茲辰苦逐丁淒涼暗雲物搖落閉雷霆
自古資文命前賢值景星理關元氣合功取及時形
天意甯終鍛神鎔會有型斡挽驅槁剝嗟吸動煌熒

人憶司春培容掀振海劙捎雷呈絕轡照電發新硎
作手丹青鉅詞鎚宇宙靈壇場雄跋扈氣象破局屏
孰者儒爲寶鑿君玉幾刑端倪高視表揮霍萬夫令
筆力通幽微天機掣道具妙剝輕拉虎餘巧細穿蜓
翡翠憑歸珥駒駘不伏駟庭姿迴迅颯濤勢擺泐渟
老大悲行路迂愚笑撞莛未枯吳市竹猶識楚江萍
獨步推難遽淡知許驟聆虛斲忘慶郢微檮值鳩伶
此事誠緣命他年或建瓴多將憎鬱鵠終恐病蝗螟
裏衰兼金石親情比鵠鵠遠期真奕兀貽託費丁甯
盛業惟搔首治生媿挈瓶風塵堪沒幘江海羨揚舲

地迴河斜雁秋疏苑聚螢東南頻送目鷗月白沙汀

送嘉瓚游湖南桂林因往滇省一百韻

西南吾未到異俗畧能評古者皆遷禹君胡獨此行
地偏餘漏溼天闊極交荆祇有山爲國常聞象服耕
壯心殊不已挾策總全輕雲物秋無數交親夢幾榮
馬從穿洛去路但隔江平入手看圖畫經年傍驛程
贈辭端取佩別飲不論觥朝雨愁邊灑哀絲醉後聲
少畱徒夙昔相送卻咿嚙樓閣熊湘起池隍楚塞迎
洞庭寒汨汨天柱翠橫庚勢險猶埋日光虛不隱蘊
鳥憐帆獨過魚詒浪長勺浩蕩江湖大紛紜歲月更

由來多故事追憶幾聲名有恨同王粲將母弔賈生
臺雲哀郢曲廟火賽沙筭不負羅含宅休悲穆滿營
神僊尋許掾從事得何甥刺史州如斗諸侯座有鯷
平時需結納茲日已光榮解榻畱過客吹羹擣越橙
詎從方朔借詩白少卿賡草隸分雙手擣蒲荅老兄
羅紋瀟沅色楓岸狹猿情郭粉煙迷畫巒紅錦倒綳
淹留知有得眺悵卽須盈灑落行膳櫬盱睢堠吏偵
無勞猜薏苡聊逐煮蕪菁宇宙含蒸積西南入隱姑
中原分股髀百粵鎖墟阬問俗人偏瘠占星鬼正明
氣熇才識夏晝合那緣晴雪斷黃茅驛田稀白玉枕

麝香浮瘴母蛇鼓祀山精縣吏空高枕居人架一棚
瘞多應數遲朏重若時擾舊國驩兜在新州雍闐并
土船猶種族槃瓠尚犧牲佩印騎徵側乘輶異馬卿
碧雞誰遣問黑貝汝何爭霧惡籠谿暗峯危墮石砰
擔纏猺左雜捕獵磨磨擎茫茫朝昏變紆蟠峒峩腥
少逢吟雁客時值卜雞偷簾弊愁攢戟桄榔或一城
舜祠憐北望荔浦更南征霍霍侵沙熱逐逐觸瀨驚
草依流水毒歌怨武谿清禽向何年怪蛇看軒首呈
短狐頻影伺潛鱷遽身攢攫化時成突頭飛夜似蠭
蠶蟲蒙戶牖禡祿對鑑藥是族甯堪狎于心實已憤

奚爲須爾類多事笑黔嬴獠女呼人店夷童送鬼旌
身宜防五癟害有甚三彭孽棄何曾席藤柂是處禠
蓋期牋暫寫爰寄笛偷橫風月才相憶關河望欲溯
崎嶇謁府主疇昔共齊盟未覺金潾漲分攜桂酒醒
南溟朱鳥別西嶺雪山傾故道來莊蹻前朝弔子嬰
甯知感搖落信可憤暄萌洎海通舟楫崇山踏牡驛
危枝懸撲獸淡樹走嘯猩近帶銅官黑平窺石鏡瑩
雲邊鐘乳窟花裏杜鵑坪孔雀叢叢羽翠牛個個纓
崑崙三尺蔗魚子萬家耕始驗句芒布那收韎韶英
風煙饒翠碧林岫迸丹楨萬里生平足中宵意氣宏

周旋傾蓋地料理曬衣桁爽豁金方候高涼白帝閣
已窮戌日臘仍對好秋晶飫眼何多異嘗鮮屢慣烹
豈疏行樂伴未憎卜居成小妓憑歌舞胡奴給使令
本依都護去復喜外臺貞賭射喧三疊圍碁覆一枰
鶡冠邀說劔豹袖坐吹笙迴戢南池翼沈浮北海鯨
州民交盛覽名士禮禰衡舊手稱神速餘音駐戛鏗
夜郎通漢杏桂水入秦泓紫樹鴛鴦去青天鼯馳轟
多畱才子地半裸野人裎藥物丹砂穴山川白玉京
良期徒款款他日枉根根珠井依然古香煎著處盛
句貪題帶結笑有絕冠紳信美登高徧搔頭屬興勃

陽墟連筭嶺睥睨伏笳鉦穩放參軍臥頻治博士旨
知心貽繡段歸橐買鉅鑿儻憶昆明戰孫卿莫論兵

廣陵公挽詞

進賢初錫命入夢本騎辰字耿龍淵鑄謨留馬喙陳
門生更上殿公子繼紳何負平生事行推百代身
獨餘東閣恨長對九原新

儼班高侍從珠氣炯文昌書已藏延閣名應上太常
蛟龍吟大野風雨凍高闈故吏辭朱槧餘恩苦碧棠
惟憐卿月皎時度聽箏堂

左伯翬分陝中台自耀靈不歸三殿日遙下五原星

路暗晴田雪春凋楚澤馨流蘇通騎白祕器掩天青
千載麒麟壯徒瞻頌德銘

環文九州被令望百城瑜仲寶風華首興宗品格昧
飛雞俄識酉隙駟覓離壺幾似陽元掾乖慚孺子芻
空嗟隔江海無路共歌虞

送陳黃中還吳卽入閩赴王中丞竝寄座主虞
山侍御一百韻

作奏陳湯健哀時許伯惄食魚歌易倦躍馬意何儂
俊傑收無路窮愁歎久僑纔令逐塵土終覺凜風飈
闔嶠朱天外滄波萬里遙官空漢都尉地尚越無搖

媒嬪占餘俗，雌螭畧幾朝。
氣偏倭鬢雜，人窳眊巫祆。
記室方過往，長纓忽乍彫。
濟時真得理，遭世豈誠彌。
家令文辭少，賢良議論饒。
蘭幽播春谷，鶲矯隘晴霄。
白璧英華富，清秋意氣敲。
諸公重崔實，太學表劉陶。
聲滿頻驚座，談雄早建標。
小生誰栗牘，高論眇儒梟。
舊宅依梅福，新書敵應劭。
端能賦蟻蝨，未許問漁樵。
雞鳴憐憐爭食麒麟泣服儼。
青陽噬冉冉，白水憶鱗鱗。
穩臥虛能爾，狂吟或不聊。
辛勤奔走地，沒委簿書朝。
捉髮桓公對，懸牀孟玉邀。
縱橫枯欲落，淒厲瑟難調。
主諾甯宗守，參軍異部超。
試從三語掾，虛駕一封郵。

故相輸恩切登門 絶譽標賞裁
閑意匠推築極琨瑤
劍斷龍休匹桐枯 律未凋眼從當世暗
心可逐人銷祇有甘爲齒安知暫折腰
迴眸矜婀嫋顧影憎嬈姚侍御今王吉
貞風扇杜喬鄉閭同板屋賓客盛連鑣
獨立惟相許生平識久要得朋原有慶
攻玉每成瑚物望吹嘘亟才流品價昭
辟書爰屢到封事僭淡條開府臨湘大
重湖割楚遼媯宮蒸湧洞帝樂起咸韶
遠思勻斑竹羈魂照碧瀟是身冠逐客
卜命問華燒蹉跎諸侯佐低迷白日消
千年連百濮遺釁積三苗揮扇非無策
燔亭恐遽挑預防凌戰伐慎勿警笳笳

束縛經營當齟齬計畫澆不廣飛鳥陣
寂五谿才果恨貪功晚難憑坐論微拂衣雲共
卷去府燭空燒感波先投版沈淪嬾鍛譙及時看
燕雀底處隱蓬苕已沒皋家廡那吹鶴市簫故人衣繡在京國
緘書招待試魚腸譽猶籠鳳翮翩瓊青券臺夜花白
講經察司業天邊旆僂公海上橋碑新堪下馬淚溼總和椒
行路乖磨鏡當機卻弛招燕丹別寒水彭祖弔前謠
跡自今晨放才兼壯士驍一枝甘戶牖終食苦簞瓢
負米身應數然高夢共焦擔燈頻鹿獨賦筆枉鷺鷀
碣石悲風振燕山暮景鬱相逢幽衷豁約手旅情漂

似爾徒披褐何人慣續貂久同鳧汎汎正憇髮飄飄
東閣虛留滯新豐其寂寥詎能隨朔客偕擬託齊薨
城郭生涼早雲沙入塞飄憎人多雜憂病自沸寒蜩
邑吠頻須憇宮簷莫細描崎嶇惱迴伏空闊劇隴謬
天地翻蒼莽山河對憭慄鵪鶉行待理雨雪想全灑
實愴哀鳴雁時摧勁獵鵠從來感賢達會值阻岩巒
寄食宜遵命謀船類治病所須隨自得盡態任人驕
南服冬榮見炎州火氣熇落榕輕所屢裁葛細分蕉
荔子且歐接禽花越羽翹染鮮帆璧鱉市溢錦輸駁
樹酒芳含柘鬱童色抵葭朱儻尋越譯卑溼甚荆獠

不報盧龍艦還噓紫蜃潮題詩恣脫落高指埽虛憊
送汝孤迢遙行歌傍汎漻漻還吳勞卒卒過客自瀟瀟
秉節襄綸氏彈冠漫此宵寄聲滋感激直道託司杓
解戀湖尊美休扶入洛橈

禮部尚書溧陽任公輓詞

舊德存昭亮新情異去從節優成進退身恨見初終
峻出清流美葩垂後輩宗濱知託絲竹行謝毀珪琮
精爽猶能見修門路幾重

愛才張壯武大雅范尚書邱壑兼情性功名任卷舒
勒銘周史旆會葬魯諸儒風振蒼山晚天迴赤岸虛

從今庾樓月千載向人疏

保定幕府書裏呈別少儀並示王許二記贊

奏辟諸侯重分庭禮數優聲華看自古牋記特風流
玉帳雄持節青袍引坐籌手資元禮舊書愛孟公道
乘興圖碁局閒情賭射鏃括翻花暈燭詩動月明樓
野服參荷芰清譚雜獻酬新知饒蘊藉舊識理綢繆
錦樹三年別秋星幾點周新來萬里外早賦九河游
手版聯趨府頭銜總監州轂驅萍轉日跡踏磨旋牛
鶯鬢霜千丈狂莖纈兩眸半人侵肺病一卦鎖眉愁
事合蕭騷艱書難性命仇乾坤養疏放鷗鷺僭浮沈

劍曲終歸戴南陽欲問劉看人鳴赤角送老伴羊裘
水樂鯈相引林棲狹共投誰須捉謝鼻準擬刺涪舟
海岳前期在登臨一氣收忽來經濟地還對范岑儔
器雅紆簪帙光清照載矛龍頭竝時譽鸞友愜心求
爽邁歸激澈恬妍見組修蓮今日盛蕃榻暫時留
螻蟻鳴將變蝦蟆孕再驅馬蹠鑿未憐雁稻苦仍謀
筆硯嗤年歲田園憎謬悠吹噓憑巨簫瀾浪有長謳
去謝桓公掾功名正黑頭

早雲

序

當夏火雲重排空競吐峯金迴敲鬱律晝燠慘陶鎔

照照噓滄海崔崔閃夕烽甚連五月燒虛憶九霜鐘
未可揮蒸蔽何由理鬪攻僂衣仍自卷峽雨斷無踪
天入融風晚星爭渴病濃難傾江漢洗萬里一愁容

江上偶成

江入春天不可招時橫白鳥遠相邀半閒茅屋無煙
火臥枕當窗看上潮

揚州食櫻桃鱠魚

帶將翠葉溜明珠未喫先應口自腴更飽鉅鱗初落
網問君能去廣陵無

柏林

正著新寒換水春早梅無處尙相尋騎牛禹廟空山路萬點依稀入柏林

孟津渡

舟人指點郭家灘水伯應添白髮鬢中潭三城李太尉長橋千載杜征南

嚴子陵

四海爲家更不知故人猶憶十年期相從穩臥兼摩腹正是長安共學時

大澤高風萬古清雲霧飛翰杳冥冥不應偶爲劉文叔天上才宜有客星

送人還湖南

明月曬猿自故鄉連天青草曉茫茫布帆無恙行人
穩浪裏孤城過岳陽

琵琶洲上撥楓香船倚牋霞一岸長江女乞題瑤蘚
佩字侵紅壁雨花涼

歲年

歲年無處轉青春盡敝玕花幕曉村一夕人間簪白
柰可能全是爲天孫

春晚二絕句

雌蠅雄蜂別隊飛春心全付野塘泥歲陽夏恐無歸

路併喚催歸不住嚦

有底飛花急攬心最難留是五更深故應費斷東風
力盡與清和布綠陰

雲樓

十二雲樓隔夢思向來何免世人疑不應雪暗炎州
路夏是千年熟曆時

絕句

五月燕山過亂蜂次城飛斷晚香濃爲憑花鳥春風
手別放闌千三兩叢

章臺歸去帽簷斜葉葉輕風颭越紗慢面那將閒扶

馬數枝新寫趙見花

亞枝敲朵小庭奏海魄雙酣露氣新解上楊家方麪
扇前身游戲本通神

江南梅雨未成歸二陸經年共住時得句不須池上

草銷愁先覓畫中詩

洞簫

洞簫東幄奏賓雲青桂紅檀氣不分滄海月明山樹
白鄉人覩見武夷君

方諸光碧夜堂成無限雕霞鎮日生何恨露涼秋漢
遠空霄騎竹解詡行

北邙

行人還向北邙行祇是河流日夜仍一片無情山下
上不知何許似金陵

九原正少歸誰與萬古相望去不還此地經過客休
恨罷看蒿里徧人間

過磁州

交陌連櫳碧樹閒夏無塵土犯征鞍薄花無萬香城
郭合向中閉現宰官

綺羅

不憎朝朝汚粉塵青樓歌舞盡隨春妝成時世從人

看著眼偏羞絕代人

落葉

蟲階澹月初封戶苔竈寒僧記煮茶策策霜林清漏
曉明添如畫幾人家

白魚嶺

人家故避巖巒出窈窕全將礪谷收嶺上風煙雲外
路相看何處不銷愁

盡施生翠塗危戟別道浮丹駁古屏四面真成勞應
接十分貪與寄沈冥

宗人予盼秀才來客陽陽喜得相見予方西首

秀才亦將他之二絕爲別其一已刻在正集
其到龍泉一夕眠定知行腳是前緣飄蕭各向秋天
外立馬相看忽惘然